

Grupito di Chupa cartera di pueblo:

Bay cuestiona famia di Ministro cu a haya miles di meter cuadra na tereno Erfpacht

ORANJESTAD (AAN) Tin hende ta kere di por tin cuero di cara pa bay sinta grita manera spanta balente den barnan publico y kere cu no tin otro hende ta tende nan papia nan disparatenan.

Mamasitanan cu ta haci nada cu kita tur placa di boysonan kens a haya e nomber di Chupa la cartera y awor esnan cu antes tabata worde yama Biba Lekker a haya for di pueblo indigna y rabia cu mal maneho di e gobierno actual di MEP, e nomber di Chupa cartera di pueblo.

Ta un grupito di Chupa cartera di pueblo ta esnan cu ta bay sinta na cierto lugarnan nocturno unda nan ta kere cu nan ta manda y por grita publicamente loke nan ta haya ta bon contra tur hende cu no ta di e color politico di e gobierno di MEP.

Pa algun luna caba tin un grupo di Chupa cartera di pueblo, den cual tin sinta algun hurista di awa dushi den combinacion cu algun chupacabra cu a haya trabao como coordinador y comerciante liga na gobierno, ta bay lastra publicamente nomber di tur hende cu a haci peticion pa haya tereno pa traha cas of tereno pa proyecto comercial.

Bao di influencia di basta bebida alcoholico den combinacion cu un machismo politico basa riba e doctrina, 'Ta nos ta manda',

e grupo di Chupa cartera di pueblo tabata cuestiona diferente ciudadano Arubiano kendenan a haci peticion pa haya tereno erfpacht pa construccion di cas y pa proyecto.

Segun e grupo di Chupa cartera di pueblo, esnan cu nan ta critica no tin derecho pa haya tereno erfpacht pa construccion di cas y proyecto pasobra sea nan tin cas caba of nan tin negoshi caba.

Den e mesun rosea cu nan tabata sinta bati boca nan den nan, a worde lubida famia di ministronan cu haya miles di meter cuadra di tereno erfpacht pa bay ehecuta proyecto grandi banda di laman!

Pa famia di ministronan si cu pa colmo tin diferente cas, pa nan si tin tur sorto di tereno erfpacht!

Pa famia of pa hendenan liga na partido si tin tur sorto di posibilidad pa haya tereno

erfpacht pa traha cas y nan si no ta worde critica door di e grupo di Chupa cartera di pueblo!

Peticionnan haci di parti di compinchinan y di e grupito di privilegiado di MEP pa tereno erfpacht no ta worde plama den publicidad door di departamento di ministro Marisol y su coordinadornan!

Supuesto acercamento di parti di ministro Marisol na varios grupo den comunidad unda lo ta ofreciendo nan tereno basta nan vota pa Marisol durante e siguiente eleccion; di esey e grupito sinta na barnan no ta papia!

Di con pa e gobierno di MEP cu ministro Marisol encarga cu terenonan erfpacht tin un diferencia grandi entre Arubiano cu ta famia of liga na ministronan of partido MEP y Arubianonan cu no ta di color politico of no ta bay na amen di Marisol y gobierno

di MEP?

Di con no ta papia di extranheronan y compania di exterior cu si ta haya tereno

den frega di wowo?

Esnan cu pa basta dia tabata busca cos pa grawata awor ta bay haya coy hole.

Caha di cerbez benta for di pickup den Caya Grandi

ORANJESTAD.(AAN): Den careda di 6'or a wordo señala un pickup numera A.9827 ta pasando den Caya Betico Croes.

Abordo di e pickup segun version cu a yega na oido di polis tin un grupo di persona. Mey mey di caya principal, un di e hombernan a tira un caha di cerbez for di e vehiculo y esaki a keda benta riba acera dilanti di un establecimiento.

Mientras tanto e unidadnan riba caya entre otro "visibility team" a tuma nota di e informe suministra pa central

di polis y den Wilhelimastraat nan a intercepta e vehiculo. Altura di warda di playa e chofer a wordo para enberdad den e pickup tin cuatro persona.

Ta trata di e hombernan O.T. di 22 aña, X.C. di 22 aña, O.A. di 23 y A.S. di 26 aña. Polis a haya holo di marihuana pero un control debido no a duna resultado.


Despues cu polis a hala atencion di tur esnan involvi y nan a wordo laga den libertad.

PRIMINITE TA UN COS, CUMPLI TA OTRO!!

NEL, TA UN FLORIN SO MI A RESTA DEPUES CU BO SO A KITA BELASTRU RIBA MI BASHI PREMIE!!

CHOGOLONG, TA PESEY E YAMA BASHI PREMIE, NOS A INVENTA E FORMULA EY PA BO KEDA BASHI!!

HAHAHAHA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Recuerdo di Angel

Afl. 5,95